

ԵՐԻՏԹՈՒՐՔԵՐԻ ՀԱՅԱՋԻՆՋ ՔԱՂԱՔԱԿԱՆՈՒԹՅՈՒՆԸ 1915—1916 ԹՎԱԿԱՆՆԵՐԻՆ

Պատմ. գիտ. դոկտոր Ե. Վ. ՍԱՐԴՍՅԱՆ

Արևմտահայության ֆիզիկական բնաջնջման իր հրեշավոր ծրագիրը թուրքական բռնակալությունը մշակել էր դեռևս անցյալ դարի 70-ական թվականներին: Ժամանակին այդ ծրագրի մասին բացահայտորեն արտահայտվել է արյունարբու Արդուլ Համիդի համախոհ Քյամիլ փաշան, որը երկար տարիներ զբաղվում էր մեծ վեզիրի պաշտոնը: Նուսելով Եվրոպական Թուրքիայի քրիստոնյա ժողովուրդների ազատագրական շարժումների և արևմտյան տերությունների միջամտության մասին, նա լկտիարար ասել է. «... Եթե Եվրոպական Թուրքիայում մենք տաքացրել ենք օձերին (խոսքը 1876 թ. Թուրքիայի դեմ ապստամբած սլավոնների մասին է—Ե. Ս.), ապա Ասիական Թուրքիայում մենք չպետք է կրկենք այդ նույն հիմարությունը, խելամտությունը պահանջում է ոչնչացնել և մեր հողի երեսից ջնջել բոլոր այն տարրերին, որոնք կարող են հետագայում վտանգ սպառնալ մեզ... Հետևաբար, այդ սրբազան նպատակին հասնելու համար անհրաժեշտ է հայ ազգն անհետ ջնջել մեր հողի երեսից, անխնայորեն բնաջնջել... ազգ... որը զենք և պաշտպանություն չունի...»¹:

Քյամիլ փաշայի կառավարության մշակած հրեշավոր ծրագիրը բացահայտ կերպով սկսեց կիրառվել 1894—96 թթ., երբ Արևմտյան Հայաստանում կազմակերպվեցին մի շարք մասսայական ջարդեր, որոնց հետևանքով զոհվեց 300 հազար մարդ: Հրկիզվեցին և հողին հավասարվեցին ավելի քան 3000 հայկական գյուղեր, տասնյակ հազարավոր հայեր իրենց ֆիզիկական գոյությունը պահպանելու համար ստիպված էին թողնել հայրենիքը և ցրվել ամբողջ աշխարհում:

Արդուլ-Համիդի չարդարարական քաղաքականությունն ավելի լայն մասշտաբներով շարունակեց երիտթուրքերի «Իթթիհատ վե Թերաքքը» («Միություն և առաջադիմություն») կուսակցությունը՝ 1908—1909 թթ. տեղի ունեցած վերնախավային հեղափոխության հետևանքով կառավարության ղեկը իր ձեռքի վերցնելուց հետո: Իթթիհատական պարագլուխների կողմից անցկացվող՝ Օսմանյան կայսրության մահմեդական տարրեր ժողովուրդներին ձուլելու, իսկ քրիստոնյա բնակչությանը ֆիզիկապես ոչնչացնելու վայրենի քաղաքականության առաջին արտահայտություններից մեկն էր 1909 թ. զարնանը Ադանայի հայերի զանգվածային կոտորածը: Ականատեսներից մեկը՝ Հելեն Գիրոնսը, նկարագրելով ջարդի մանրամասնությունները նշում է, որ հայերին անողորմաբար կոտորում և զնդակահարում էին փողոցներում, կենդանի այրում էին այն լճերում, որտեղ նրանք պատսպարվում էին: Չէին խնայում ո՛չ ծերերին, ո՛չ

¹ Տե՛ս «Փորձ», 1879, № 7—8, էջ 204—205:

կանանց, ոչ էլ Լեւիսաներին: «Այդ ջարդն ալիւի օարափելի էր,— Եզրակացում է հեղինակը,— քան Արդուլ Համիդի ժամանակներում»:

Հայերի ջարդ տեղի ունեցավ նաև Կիլիկիայի մյուս քաղաքներում ու գյուղերում: 1909 թ. ջարդերի հետևանքով Կիլիկիան կորցրեց մոտ 30 հազար հայ: Խոսելով Կիլիկիայի կոտորածներից հետո հայերի նկատմամբ Երիտթուրքերի վարած քաղաքականության մասին, Ստամբուլում ցարական դեսպանության թարգման Մանդելշտամը գրում էր, որ նրանց ոչնչացումը շարունակվում էր դանդաղ, բայց անշեղորեն²:

Երիտթուրքերի պարագլուխները Թուրքիան նետելով առաջին համաշխարհային պատերազմի մեջ՝ Գերմանիայի կողմում, նպատակադրվել էին վերջինիս օգնությամբ իրագործել իրենց պանիսլամական ու պանթուրքական դավթողական պլանները: Սակայն այդ նվաճողական ձգտումների իրագործման ճանապարհին կանգնած էին Թուրքիայի բիրտ լծի տակ գտնվող ոչ թուրք ժողովուրդները՝ հայերը, արաբները և մյուսները, որոնք շարունակում էին իրենց ազգային-ազատագրական պայքարը: Երիտթուրքերի ղեկավարների կարծիքով պանթուրքական նվաճողական ծրագրերի իրագործման զլխավոր արգելքը հայ ժողովուրդն էր: Ինչպես բազմիցս հայտարարել են Երիտթուրքական կուսակցության թերթերը և գործիչները, մահմեդական աշխարհի մեջ «սեպի նման խրված» հայերը խանգարում էին Օսմանյան կայսրության հետ Անդրկովկասի ու Ռուսաստանի այլ շրջանների մահմեդական ազգաբնակչության «միավորմանը»: Այսպես, Երիտթուրքերի օրգան «Իկդամ» թերթը տակավին 1914 թ. փետրվարին առաջարկում էր բոլոր հայերին Արևելյան Անատոլիայից արտոել Միջագետք, իսկ նրանց տեղը բնակեցնել մահմեդականներին³:

1915 թ. հայկական ջարդերի կազմակերպիչներից մեկը՝ Երիտթուրքերի կուսակցության կենտրոնական կոմիտեի անդամ ղոկտոր Բեհաեդդին Շաքիրյ հայտարարել է. «Հայերը մեր պանիսլամական ու պանթուրքական սրբազան քաղաքների ճանապարհին են կանգնել, և մենք անխուսափելիորեն բախվում ենք նրանց հետ... Մենք ստիպված ենք մեր ճանապարհին տարերայնորեն ոչնչացնել այն ամենը, ինչը արգելք է հանդիսանում մեր սրբազան ազգային իդեալներն ի կատար ածելու համար»⁴: Անգլիական «Նյու Օրիենտ» թերթը Հայաստանին նվիրված հոդվածներից մեկում նշում էր. «Այդ երկիրը գտնվում է հենց այն ճանապարհի վրա, որը տանում է դեպի Կովկաս և Կենտրոնական Ասիա, ուր ձգտում էին Երիտթուրքերը: Ահա այս հանգամանքն ավելի, քան թշնամանքի զգացումը, այն բանի պատճառը դարձավ, որ մեծ պատերազմի շրջանում թուրքերը ձգտում էին ոչնչացնել հայ ժողովրդին»⁵:

Իթթիհատական կուսակցությունն ու նրա կառավարությունը իրենց պանթուրքական զավթողական ծրագրերը իրագործելու համար տակավին համաշխարհային պատերազմից առաջ սկզբունքորեն որոշել էին ոչնչացնել Թուրքիայում բնակվող բոլոր հայերին: Սակայն, ինչպես ասված է Թալեաթ փաշայի 1915 թ. գարնանը տեղական իշխանություններին հղած գաղտնի զեկույցում

² Mandelstam A., Le sort de l'Empire ottoman, Paris, 1919, էջ 212:

³ Տե՛ս Ռուսաստանի պետական կենտրոնական ռազմա-պատմական արխիվ (Սոսկվա), ֆ. 2000, ցուցակ 1, գործ 38, թերթ 83:

⁴ Տե՛ս «Заря Востока», 1925, № 812:

⁵ Տե՛ս Հայկական ՍՍՏՄ պետական կենտրոնական պատմական արխիվ, ֆ. 200, գործ 241ր. թ. 681:

«հանդամանքները թույլ չտվին կատարելու այդ սրբազան գործը»⁶։ Այժմ օգտվելով ռազմական իրադրությունից, երիտթուրքերը ձեռնարկեցին հայկական հարցի «լուծմանը», որը Զեմալ-փաշայի խոսքերով ասած՝ «երկրի ներքին կյանքի կարևորագույն հարցն էր»⁷։

Հենց որ Օսմանյան կայսրությունը պատերազմի մեջ մտավ, երիտթուրքական կոմիտեն ձեռնամուխ եղավ երկրի հայ ազգաբնակչությանը զլխովին ոչնչացնելու ծրագրի մասնամասն մշակմանը։ Այն հաստատվեց Քալեաթ փաշայի ղեկավարությամբ 1915 թ. սկզբներին կայացած երիտթուրքական կենտրոնական կոմիտեի զադտնի նիստում։ Նիստի ընթացքի և ընդունած որոշումների մասին մանրամասն գրում է իր հուշերում երիտթուրքական կոմիտեի անդամ Մեվլան-զադե Ռիֆաթը, որը մասնակցել էր այդ խորհրդակցությանը։ Հանգամանորեն խոսելով Քալեաթի նախագահությամբ դրամաված զադտնի նիստի մասին, որին մասնակցում էին էնվերը, դոկտոր Նադրմը, դոկտոր Բեհակդդին Շաքիրը, Կարա Քեմալը, Հասան Ֆեհմին, Զավիդը և Ադա Օղլու Ահմեդը, Մեվլան-զադեն նշում է, որ հիմնական ղեկուցողը երիտթուրքական կոմիտեի պատասխանատու քարտուղար դոկտոր Նադրմն էր, որն իր ելույթում ասել է. «Եթե 1909-ի մեր Ադանայի և այլ վայրերում մեջ կատարել տվածին նման տեղական ջարդերով պիտի գոհանանք, ...եթե այս մաքրագործումը ընդհանուր և վերջնական չպիտի ըլլա, օգուտի տեղ վնասը անպայման է, պետք է, որ հայ ազգը արմատախիլ ըլլա, մեր հողին վրա անհատ մը անգամ չմնա, հայ տները մոռցվի։ Հիմա պատերազմի մեջ ենք, ասկե հարմար առիթ չի գտնվիր. մեծ պետությունց միջամտությունը և թերթերու բողոքի ձայնը նկատելի իսկ չի կրնար ըլլար, ըլլա նույնիսկ, խնդիրը կատարված իրողություն մը կդառնա և կփակվի։ Այս անգամվան գործողությունը բնաջնջումի գործողություն մը պիտի ըլլա, հայերու մեկ անհատ մը իսկ չմնալու պայմանով բնաջնջումը հարկ է։ Թերևս ձեզմե ոմանք ըսեն, որ այսչափի վայրագություն կըլլա, երեխաներեն, ծեր և տկարներեն ի՞նչ վնաս կրնա հասնիլ, որ ասոնց ամբողջին ալ բնաջնջման հարկ տեսնվի, ով որ հանցավոր է, ան կպատմվի... Ոնգրեմ, պարոններ, այսչափ տկար և զթասեր մի՞ ըլլաք,— շարունակում է թուրք մարդակերը,— ասիկա մահացու հիվանդություն մըն է»⁸։

Հիշյալ զադտնի նիստի մի այլ մասնակից՝ Հասան Ֆեհմին իր ելույթում «պարզաբանում» է հայերին բնաջնջելու եղանակը. «Մեկ անհատ մը իսկ չմնալու պայմանով բնաջնջումը օրինական է... ասվածին համաձայն, ծեր, երեխա, էին, անկարող նկատի չառնվիր և բոլորը կրնաջնջվին։ Ես բնաջնջումի գյուրին ձե մը կխորհեմ. հիմա պատերազմի մեջ ենք, հայերու գենը վերցնելու կարող երիտասարդները պատերազմի առաջին գիծը կդրկենք, հոն՝ դիմացեն ուսուցիչներ, իսկ ետևեն՝ մեր կողմեն մասնավոր կերպով զրկված ումերուն կրակը մեջ կառնենք և կբնաջնջենք. իրենց տունը մնացող տկար ու ծերերը, կին ու երեխաներն ալ կհրամալենք և մեր հավատացյալները կմաբենք, ինչքանքան կկողոպտեն... այս ձեր հարմար կաեսնվի»⁹ (ընդգծումը մերն է — Ե. Ս.)։ Ամ.

⁶ Տե՛ս «The Memoirs of Naim Bey. Turkish official Documents relating to the Deportations and Massacres of Armenians», London, 1920, էջ 7։

⁷ Джемаль-паша, Записки 1913—1919 гг., Тифлис, 1923, էջ 80։

⁸ Մեվլան-զադե Ռիֆաթ, Թուրքական հեղափոխության մոթ ծախքերը։ Քարգմ. թուրքերենից, Բեյրութ, 1938, էջ 159—260։

⁹ Նույն տեղում, էջ 164—165։

բողջ մի ժողովուրդ ոչնչացնելու այս հրեշավոր ծրագրին հավանություն տալով, էնվերն ավելացնում է, որ «բնաջնջման եղանակը որոշելը գործադիր մարմնին պարտականությունն է»¹⁰:

Ստեղծվում է եռյակ՝ «գործադիր հանձնախումբ» (ղեկավար Նազրմ, ղեկավար Բեհանդդին Շաքիր և կրթական նախարար Շուքրի). որը հանդում է այն եզրակացության, թե այդ ահավոր սպանդի անմիջական կատարողները պետք է լինեն մարդասպանության և ոճրագործության համար բանտերում գտնվող հանցագործները, որոնց ազատ արձակելով, իրենք մեկ ամսվա ընթացքում 10—12 հազար ընտրյալ ուժի տեր կղաղնան և դրանք բաժանելով՝ «նվազագույնը 10, իսկ առավելագույնը՝ 50 հոգուց բաղկացած ջոկատների՝ շեթենների, նրանց վրա վստահելի խմբապետներ կնշանակեն և իրենց հրամանին կենթարկեն»¹¹:

Ղեկավարվելով կենտրոնական կոմիտեի գաղտնի նիստի որոշմամբ, երիտթուրքական կառավարությունը 1915 թ. ապրիլի 15-ին տեղական իշխանություններին հայերի աքսորի և ոչնչացման մասին գաղտնի հրահանգ ուղարկեց: Այն ստորագրել էին ներքին գործերի մինիստր Թալեաթը, ռազմական մինիստր էնվերը և երիտթուրքական կոմիտեի քարտուղար ղեկավար Նազրմը:

Հիշյալ հրահանգում ասվում էր, որ կառավարությունն ու «Միասնություն և առաջադիմություն» կուսակցության կենտրոնական կոմիտեն որոշել են «օգտվելով պատերազմի՝ մեզ ընձեռած հնարավորությունից, վերջնականապես վերացնել հայերին, մեր կողմից տրված գաղտնի հրահանգի համաձայն...»¹²:

Երիտթուրքական կառավարությունն իր բարբարոսական ծրագրի իրականացումը սկսեց 1914 թ. աշնանը թուրքական բանակ գորակոչված 20-ից մինչև 45 տարեկան հայերի ոչնչացումով: Հայ զինվորները զինաթափ արվեցին: Նրանցից 1914—1915 թթ. ձմռանը կազմվեցին բանվորական գումարտակներ, որոնց օգտագործում էին ճանապարհների կառուցման և քաղաքային աշխատանքներում: 1915 թ. ապրիլին հաշվվում էին շուրջ 120 այդպիսի գումարտակներ, որոնք բաժանված էին ջոկերի: Սրանցից յուրաքանչյուրում կար 300—500 մարդ, որոնք աշխատում էին սարսափելի պայմաններում:

«Թուրքական կանոնավոր զնդերը, — գրում է Գիբոնսը, — անսպասելիորեն հարձակվում էին այդ ջոկերի վրա, որոնք խաղաղ աշխատում էին բրիչներով, լինգերով ու բահեղով, և մինչև նրանք ուշքի կղային՝ զնդակոծում էին բոլորին: Եթե որևէ մեկը փորձում էր դիմել փախուստի, նրան հետապնդում էին հեծյալ թուրքերը և սրախողխող անում կամ զնդակահարում»¹³: Այդ եղանակով 1915 թ. գարնանը սպանվեցին մոտ 6 հազար հայ զինվորներ, որոնք աշխատում էին Կարին-Երզնկա, Դիարբեքիր-Ուրֆա և Դիարբեքիր-Խարբերդ ճանապարհների շինարարության վրա:

Հայ զինվորներին ոչնչացնելուց հետո երիտթուրքերը հաշվեհարդար տեսան հայ ակառուցական գործիչների հետ, այդ թվում մեջլիսի պատգամավորների ու հայ մտավորականության խոշորագույն ներկայացուցիչների հետ, որոնց

¹⁰ Նույն տեղում, էջ 165:

¹¹ Նույն տեղում, էջ 191—193:

¹² Նույն տեղում, էջ 197—198:

¹³ Гиббонс Герберт-Адамс, Последние избиения в Армении. Факты и ответственности. Пер. с англ., II-д, 1916, էջ 12—13:

բողոքի ձայնը թուրքական զազանությունների դեմ կարող էր հնչել սահմանից այն կողմ:

Միայն Կոստանդնուպոլսում ապրիլի 24-ի լույս 25-ի գիշերը ոստիկանությունը ձերբակալեց 235 անվանի հայ մտավորականների, իսկ հաջորդ մի քառի օրվա ընթացքում՝ ևս մի քանի հարյուր մարդ: Նրանք բոլորը՝ շուրջ 600 հոգի, զազանաբար սպանվեցին արսորի ճանապարհին, իրենց նշանակված վայրը՝ Անկարա, Կոնյա և Դիարբեքիր չհասած: Գերմանացի ղոկտոր Իոհանես Լեփստիսի վկայությամբ, միայն 8 հոգու հաջողվեց փրկվել մահից¹⁴: Նույն ճակատագրին արժանացավ հայ մտավորականությունը երկրի այլ քաղաքներում:

Երիտթուրքերի կոմիտեի որոշման համաձայն՝ 1915 թ. ապրիլին Արևմտյան Հայաստանի ու Կիլիկիայի վիլայեթները հրաման ուղարկվեց հայերի գինաթափման մասին, որն ուղեկցվում էր ամեն տեսակի բարբարոսություններով, արյունալի ընդհարումներով ու զանգվածային ձերբակալություններով: Զգալով վերահաս բռնությունների վտանգը, հայերի մի մասը գնեքը ձեռքին փախավ անտառներն ու լեռները:

Այդ գործողությունը անցկացնելուց հետո Ստամբուլից երկրորդ հրամանը ստացվեց՝ հայերին արսորել Միջագետք: Հայերի արսորն ու զանգվածային ջարդը միևնույն եղանակով իրականացվեցին կայսրության ավելի քան 50 վայրերում: Տեղական իշխանությունները մեծագույն ճշտությամբ էին կատարում Թալեաթի բոլոր կարգադրությունները¹⁵: Մանդելշտամը նշում է, որ երկրի «մաքրագործումը» հայ ազգաբնակչությունից տևեց 1915 թ. ապրիլի 24-ից մինչև նոյեմբերի 6-ը¹⁶:

Տեղական իշխանություններն առաջին հերթին հաշվեհարդար էին տեսնում տղամարդկանց հետ: Սովորաբար 15-ից մինչև 70 տարեկան բոլոր հայ տղամարդիկ կանչվում, հավաքվում էին մի տեղում և այնուհետև թշվում քաղաքից կամ գյուղից դուրս և զնդակահարվում ոստիկանների կողմից¹⁷: Մայիսի սկզբին սկսվեց հայերի արսորը անատոլիական վիլայեթներից ու Կիլիկիայից դեպի Միջագետքի շրջանները՝ Բաղդադի երկաթուղուց հարավ: «Մայիսից մինչև հոկտեմբեր, — գրում է Գիրոնսը, — օսմանյան կառավարությունը սխալմամբ տիկոթներն կիրառում էր մի ծրագիր, որն ավելի դժոխալի էր, քան ամենասարսափելի ջարդը: Ամբողջ Փոքր Ասիայով մեկ հրամաններ էին ուղարկվում հայ ազգաբնակչությանը Միջագետք արսորելու մասին: Հրամանները միանգամայն որոշակի էին ու շատ մանրամասն: Ոչ մի գյուղ, անգամ աննշան, չէր մոռացվել: Մունեստիկները բարձրաձայն կարգում էին հայերին արված կարգադրությունը՝ այսինչ ժամին պատրաստ լինել ճանապարհվելու՝ անհայտ ուղղությամբ: Բացառություն չէր արվում ո՛չ հիվանդների, ո՛չ ծերերի, ո՛չ էլ հղի կանանց համար»¹⁸:

Հայերին արսորելուց հետո, նրանց տներն ու ամբողջ ունեցվածքը բռնագրավվում էին ու բաժանվում մահմեդականներին: Հարուստ հայերին հաճախ

¹⁴ Lepsius J., Deutschland und Armenien 1914—1918, Sammlung diplomatischer Aktenstücke, Potsdam, 1919, էջ XX:

¹⁵ Toynbee Arnold Y., Armenian Atrocities The Murder of a Nation, London—New-York, 1915, էջ 29:

¹⁶ Mandelstam, էջ 283—284: Տե՛ս նաև J. Lepsius, էջ XXV:

¹⁷ Гиббонс Герберт-Адамс, էջ 13—14:

¹⁸ Նույն տեղում:

թույլատրվում էր բարձր վճարով սայլ կամ ձի վարձել, որոնք սակայն խլվում էին նրանցից՝ քաղաքից կամ գյուղից դուրս գալուց անմիջապես հետո, այնպես որ, ինչպես աղքատներին, նույնպես և հարուստներին մնում էր միայն այն, ինչ նրանք կարող էին իրենց հետ վերցնել: Թուրք ազգաբնակչությանն արգելված էր հայերին մթերքներ վաճառել կամ նրանցից իրեր գնել, ուստի և տեղահանված հայերն ի վիճակի չէին իրենց ապահովել ճանապարհի համար անհրաժեշտ պաշարով:

Առաջին միջոցառումն այն եղավ, որ տղամարդկանց բաժանեցին կանանցից, իսկ ընտանիքի անդամներին՝ իրարից: Աքսորից առաջ ամենագեղեցիկ կանանց ու աղջիկներին բռնի կերպով առանձնացնում էին՝ մեծահարուստ թուրքերի ու քրդերի հարեմներն ուղարկելու համար: Կանանց, ծերերի ու երեխաների հոծ զանգվածները թուրք ոստիկանների ու ասքյարների կողմից բռնվում էին Անատոլիայի լեռնանցքներով, կիզիչ արևի ճառագայթների տակ¹⁹:

Հազարավոր հայեր մեռնում էին ճանապարհին սովից, ծարավից, արևահարությամբ, ուժասպառությամբ: Նրանց, ովքեր այլևս անկարող էին առաջ շարժվել, անմիջապես սվինահար էին անում կամ զնդակահարում: Ճանապարհի որոշ բաժիններում՝ Քեմախ-Բողազի մոտ՝ Եփրատի ափին և Երզնկայի ու Խարբերդի միջև ընկած տարածության վրա զանգվածային զնդակահարություններ տեղի ունեցան: Այն ճանապարհը, որով անցնում էին տեղահանված հայերը, նրանց համար դարձավ մահվան ճանապարհ: Ականատեսներից շատերը, ինչպես և այդ դեպքերի մասին գրած հեղինակները, իրավացիորեն նշում էին, որ այդ աքսորը, ըստ էության, Թուրքիայի հայ ազգաբնակչության բոլորակալ զանգված ոչնչացումն էր: «Տեղահանումը, — ասվում է փաստաթղթերից մեկում, — սոսկ մի պատրվակ և, միաժամանակ, մի նոր միջոց էր թուրքական կառավարության ձեռքին, որը վաղուց էր մշակել հայերի բնաջնջման ծրագիրը: Բացահայտ կոտորածի ու ջարդերի փոխարեն, այժմ հայերին ոչնչացնում են աքսորի ճանապարհով»²⁰:

Նույնիսկ էրցբերգերը՝ Գերմանիայի կաթոլիկական կենտրոնի կուսակցության առաջնորդը, որը հաճախ էր հանդես գալիս երիտթուրքերի պաշտպանության մեջ, այս անգամ անկարող եղավ հերքել եղած հրեշավոր փաստերը: Երիտթուրքական ղեկավարներին ուղղված իր գրության մեջ (1916 թ. փետրվարին) նա գրում էր. «Երկրի խորքից, ազգությամբ ոչ հայ ականատեսներից ստացվող հաշվետվությունները այն աստիճան սարսափելի են, որ դրանք հնարավոր չէ արտահայտել թղթի վրա: Երկրի էր ենթադրել, որ աքսորն ավելի մեղմ պատժիչ միջոց է, քան սպանությունները: Իրականում, սակայն, մեկը մյուսից շատ քիչ է տարբերվում: Այն դեպքում, երբ համընդհանուր ջարդի ժամանակ ոմանց հաջողվում էր փախչել, թաքնվել կամ փրկվել լեռներում, տեղահանման պայմաններում կյանքը պահպանելու հույսը չափազանց աննշան է: Մարդկանց բռնում են նշանակման վայրը շարաֆներով ու ամիսներով, ինչպես անասունների... Խեղճերը մահանում են զանգվածներով՝ սովից ու համաճարակից: Երբ նրանք տեղ են հասնում, այնտեղ էլ նրանց չեն թողնում մնալ, բռնում են մի տեղից մյուսը, հանգիստ չտալով»²¹:

¹⁹ Charles Woods, The Cradle of the War, Boston, 1918, էջ 71.

²⁰ Վրացական ՍՍԽ կենտրոնական պետական պատմական լսրիսիվ. ֆ. 2, գործ 3599, ք. 154.

²¹ Эрубергер М., Германия и Антанта, М.—П., 1923, էջ 83.

Դոկտոր Լևոնիսյանը, հանդես գալով Թալեաթ փաշային սպանող Սողոմոն Թևյունյանի դատի ժամանակ (1921 թ. հունիս) համոզիչ կերպով ցույց տվեց, որ հայերի արսորի վերաբերյալ Թալեաթի հետադրում ուղղակի պարզաբանվում էր, թե Քաջաթը նշանակում է ոչնչացում: Արսորատիկն հասավ հայերի միայն 10 տոկոսը, — ընդգծում էր Լևոնիսյանը: Մնացածները սպանվեցին կամ մեռան սովից ու անտանելի տանջանքներից²²: Լևոնիսյանը իր հայտնի «Փերմանիան և Հայաստանը» փաստերի ժողովածուում հարուստ սկզբնաղբյուրների հիման վրա եզրակացնում էր. «Ոչ մի կասկած չկա, որ խոսքը ոչ թե կայսրության անվտանգության նպատակին ուղղված ռազմական միջոցառումների, այլ հայ ժողովրդի ծրագրված ոչնչացման մասին էր»²³:

Ականատեսներն ամբողջ աշխարհին պատմեցին թուրքական իշխանությունների կողմից արսորված հայերի նկատմամբ դործադրված անմարդկային, հրեշավոր շարագործությունների մասին: Կոմպոզիտոր Ռոմանոս Մելիքյանը, որն այցելել էր Արևմտյան Հայաստան՝ հայերի կորուստների թիվը պարզելու համար, հաղորդում էր. «Մուրադ-չայ գետի հովտում, ինչպես նաև Վանա լճի ու Խոջափ-չայ գետի ափերին և Արաքսի վերահոսանքում ես տեսա հայերի անհամար քանակությամբ դիակներ, գերազանցապես կանանց ու երեխաների, որոնց ջուրն ափ էր շարտել: Նրանց կենդանի նետում էին ջուրը թուրքական ասքյարները, երբ բոլորին Կարինի վիլայեթից բռնում էին Միջագետք»:

Ջանգվածային ջարդի պատմությունը և հատկապես 1915 թ. մայիսից մինչև հուլիսն ընկած ժամանակամիջոցում հայերի կրած կորուստները ուսումնասիրող անձանց հաշվումներով, միայն Բաղեշի ու Կարինի վիլայեթի մի մասում թուրքերը սրի էին բաշել 136 հազար հայերի²⁴: Երբ ուսական զորքերը գրավեցին Կարինը, քաղաքի մոտ հայտնաբերեցին 12 մեծ փոս, որոնք լցված էին ողջ-ողջ թաղված հայերի դիակներով: Կարինի վիլայեթի 215 հազար հայ ազգաբնակչությունից կենդանի էր մնացել ընդամենը 2000 մարդ: Պատերազմից առաջ Կարինում բնակվող 18000 հայերից ուսական զորքերը մտնելու ժամանակ կենդանի էին մնացել 120 հոգի:

Եթե Կիլիկիայի, Սևաստիայի, Կարինի վիլայեթների հայերը մեծ մասամբ արսորվեցին ու ոչնչացվեցին ղեպի Մոսուլ ընկած ճանապարհին, ապա գինվորական իշխանություններին ենթակա Բաղեշի, Մուշի, Աղերդի ու Դիարբեքի վիլայեթների հայերը կառավարության հատուկ հրամանի համաձայն սրի բաշվեցին տեղերում:

Բնորոշ է թուրքական իշխանությունների կազմակերպած ջարդը Բաղեշում: Հունիսին թուրքական զորքերն անսպասելիորեն շրջապատեցին քաղաքը: Հայերին արգելեցին դուրս գալ իրենց թաղամասերից: «Այնուհետև սկսվեց ջարդը, — գրում է ականատեսներից մեկը: Քաղաքի ամբողջ հայաբնակ մասը սպանդանոցի վերածվեց: Սպանելով բոլոր տղամարդկանց, թուրքերը հրապարակ դուրս բերին կանանց ու երեխաներին ու քշեցին նրանց Աղերդ: Ճանապարհին նրանց բոլորին կոտորեցին ու թաքցրին փոսերում»²⁵:

²² «Դատավարություն Թալեաթ-փաշայի», սղագրական գեկուցում, Վիեննա, 1921, էջ 90:

²³ Lepsius J., Deutschland und Armenien 1914—1918, էջ XXIV—XXV:

²⁴ Հայկական ՍՍՌ կենտրոնական պետական պատմ. արխիվ, ֆ. 200, գործ 95, թ. 128:

²⁵ Վրացական ՍՍՌ կենտրոնական պետական պատմական արխիվ, ֆ. 2, գ. 3599, թ. 185:

Թուրքական մի սպայի պատմածից երևում է, որ Բաղեշի հայերի մեծ մասը ոչնչացվեց քաղաքի ամրոցից դուրս: Դիակները նետվում էին թուրք զինվորների կողմից վաղօրոք փորված փոսերը: Բաղեշի վիլայեթի իշխանությունները «հայերին քշում էին ծղոտով լցված կալերը, տների դռները ծղոտապատում և հրկիզում: Հայերը խեղդվում էին ծխի մեջ ու տեղում մեռնում: Սակայն մեծ մասը զոհվում էր դնդակից, դաշույններից»²⁶: Բաղեշը զրաված ոռոսական զորքերի ու հայ կամավորների առջև սարսափելի մի տեսարան բացվեց: Վիլայեթի գյուղերում ու բուն Բաղեշում հայտնաբերվեցին մարդկային բազմաթիվ կմախքներ ու ոսկորներ: Բոլոր ջրհորները, որտեղ տեղական բնակիչները սովորաբար պահում էին իրենց մթերքի պաշարները, լցված էին մարդկանց ոսկորներով: Բաղեշի շուրջ 18 հազար հայ բնակիչներից կենդանի էին մնացել մահմեդական կրոնը ընդունած մոտ 300—400 կանայք ու երեխաներ: Զանգվածային ջարդերի հետևանքով Բաղեշի վիլայեթը դատարկվել էր 180 հազար հայ ազգաբնակչությունից:

Նույն ճակատագրին արժանացան նաև Մուշի, Սգերդի, Դիարբեքիի վիլայեթների հայերը: Երբ ոռոսական զորքերը հայ կամավորների հետ միասին արյունահեղ մարտերից հետո, 1915—16 թթ. թուրքական բիրտ լծից ազատագրում էին վերոհիշյալ հայկական վիլայեթները, նրանք ամենուրեք տեսնում էին դիակներ, ամայի դաշտեր ու ավերակներ:

Թուրքական իշխանությունները արյունոտ դատաստան տեսան ոչ միայն Արևմտյան Հայաստանում, այլև Կենտրոնական Անատոլիայում, Փոքր Ասիայի արևմտյան վիլայեթներում ու Թրակիայում բնակվող հայերի նկատմամբ:

Հայերին գլխովին չաքսորեցին միայն երկու քաղաքներից՝ Ստամբուլից և Զմյուռնիայից: Երբ բացատրվում էր նրանով, որ այդ քաղաքներում էին գտնվում չեզոք տերությունների բազմաթիվ ներկայացուցիչներ: Արևմտյան Հայաստանի, Կիլիկիայի և այլ տեղերի հայերին ոչնչացնելու իրենց ծրագիրը մինչև վերջ իրականացնելու համար երիտթուրքերը ձգտում էին համաշխարհային հասարակական կարծիքից թաքցնել իրենց շարագործությունները:

Զանգվածային ջարդերից ու աքսորից բացի, հայերին վերջ տալու մեթոդներից մեկն էլ նրանց բռնի թուրքացումն էր: Բռնի թուրքացման ենթարկվեցին մոտ 200 հազար հայեր, գերազանցապես կանայք ու երեխաներ:

Հեշտ չէ որոշել ջարդերի ու աքսորի հետևանքով նահատակված հայերը ստույգ թիվը: Ըստ եվրոպական լեզուներով լույս տեսած պաշտոնական հրատարակությունների և բազմաթիվ աշխատություններում բերված տվյալների՝ օսմանյան կայսրության 2,5 միլիոն հայության մեկ միլիոնից ավելին նահատակվեց մեծ եղեռնի ժամանակ²⁷:

Ժամանակին բուլղարիկյան «Պրավդա» թերթը, անարգանքի սյունին դամելով լիարժեք ջարդարարներին, ընդգծել է. «Մեկ միլիոն հայեր իրենց կանանց ու երեխաների հետ սրի են քաշվել միայն նրա համար, որ նրանք հայ են»²⁸:

²⁶ «La voix d'Arménie», 1918, № 7, էջ 217.

²⁷ Տե՛ս J. Lepsius, Deutschland und Armenien. Potsdam, 1919, էջ LXV. A. Mandelstam, Le sort de l'Empire Ottoman. Paris, 1917, էջ 408. «La Cause nationale arménienne. Documents concernant le problème de la libération de l'Arménie Turque». Paris, 1945, «Դատադարձություն Թալեաթ-փաշայի», էջ 146 և այլն:

²⁸ «Правда», 1918, 28 XI, № 258.

Ձոհների ընդհանուր թվի մասին ամբողջական պատկերացում են տալիս այն տվյալները, որոնք բերված են Գերմանիայի կայզեր Վիլհելմ 11-ի կառավարության ուղղված հայկական ազգային խորհրդի դիմումի մեջ. այստեղ նշվում է, որ Թուրքիայի տերիտորիայից ու Հյուսիսային Իրանից թուրքական, իշխանությունների կողմից արտոլվելու ու ոչնչացվել են 1.397. 350 հայեր²⁹։

Այսպիսով, 1915—1916 թթ. ընթացքում երիտթուրքական կառավարության կողմից ձեռնարկված հայաչինչ զործողությունների հետևանքով մեկ և կես միլիոն հայեր արտաքսվեցին իրենց հայրենիքից։ Նրանցից մեկ միլիոնից, ավելին սպանվել կամ զոհվել է սովից ու համաճարակից Միջագետքի ճանապարհին և բուն արտաքսվածքում։ Այն հայերը, որոնց հաջողվել էր կենդանի մնալ, բնակություն հաստատեցին Սիրիայում, Միջագետքում, Եգիպտոսում, մասամբ էլ զաղթեցին եվրոպական երկրները, ԱՄՆ և Հարավային Ամերիկա։ Արյունոտ, զազանային եղանակով երիտթուրքերը «լուծեցին» հայկական հարցը։ Մեծ եղեռնից հետո արյունարբու Թալեաթ-փաշան պաշտոնապես հայտարարեց, թե ռեզա այլևս հայկական հարց, քանի որ չկա նաև հայ։ Մաքրելով Արևմտյան Հայաստանն ու Կիլիկիան հայ ազգաբնակչությունից, երիտթուրքական կառավարող շրջանները «վերացրին այն խոշրնդոտը», որը, նրանց կարծիքով, խանգարում էր իրենց պանթուրքական զավթողական ծրագրերի իրականացմանը։

Երիտթուրքերին հաջողվեց կատարել իրենց սև զործը զգալի չափով շնորհիվ այն դիրքի, որ գրավել էին եվրոպական տնրությունները։ Կայզերական Գերմանիան՝ Թուրքիայի դաշնակիցը պատերազմում, շահագրգռված էր, որ պեսզի Արևմտյան Հայաստանի բուն ազգաբնակչությունը՝ հայերը, թշվին իրենց հայրենիքից, քանի որ գերմանական զաղութարարների կարծիքով, դա կնպաստեր Մերձավոր Արևելքում իրենց նպատակների իրականացմանը։

Գերմանական իմպերիալիստները երկյուղ էին կրում, որ պատերազմի ժամանակ հայկական ազատագրական շարժումը կարող է օգտագործվել Անտանտի կողմից Թուրքիայի դեմ, մի հանգամանք, որը կարող էր հանգեցնել Գերմանիայի դաշնակցի ռադմական ջանքերի թուլացմանը։ Բացի դրանից հայերին Միջագետք, Բաղդադի երկաթուղու կառուցման շրջանն արտրելը ևս համապատասխանում էր Գերմանիայի շահերին, քանի որ երկաթուղու շինարարությունը ավարտելու համար նա ձեռք կբերեր էժան բանվորական ուժ։

Միևնույն ժամանակ գերմանական ժողովրդի մեջ Թուրքիայի՝ որպես Արևելքում Գերմանիայի դաշնակցի հեղինակությունը պահպանելու համար կայզերի կառավարությունն ամեն կերպ աշխատում էր թաքցնել Թուրքիայի հայ ազգաբնակչության ոչնչացման ու տեղահանման իրողությունը։ Ստամբուլի գերմանական դեսպանությունը լկտիորեն ժխտում էր հայերի զանգվածային բնաջնջման փաստերը հայտարարելով, որ օսմանյան կայսրության մեջ իրշ տեղ գտած զաղանությունները զուտ երևակայության արգասիք են³⁰։

Պատերազմից հետո Լեփսիուսը գրեց, որ պատերազմի տարիներին արգելված էր գերմանական մամուլում նյութեր ղետեղել կամ որևէ ձևով հիշատակել Թուրքիայում հայերի նկատմամբ զործադրված բռնությունների մասին։

²⁹ Տե՛ս Թուսաստանի տրտաքին քաղաքականության արխիվ, ֆ. «Քաղարխիվ», գ. 4637, թ. 113։

³⁰ Տե՛ս Toynbee, էջ 111։

1915—1916 թթ. գտնվելով Ատամբուլում, Հեփսիուսին, շնորհիվ իր անձնական կապերի, հաջողվեց հավաքել բազմաթիվ նյութեր, որոնք բնութագրում էին թուրքական իշխանությունների կողմից անցկացվող հայաչինջ բաղադրականությունը: Այդ նյութերի հիման վրա նա 1916 թ. լույս բնծայեց իր հայտնի «Հաշվետվություն հայ ժողովրդի վիճակի մասին Թուրքիայում» գիրքը³¹: Գերմանական զրաբնությունը, սակայն, չթույլատրեց նրան այդ հաշվետվությունը տարածել զրախանությունների միջոցով: «Այդ պատճառով էլ, — գրում է Հեփսիուսը. — ես կարողացա իմ հաշվետվությունը բաժանել միայն վստահելի անձանց»³²:

Չնայած դաժան զրաբնությանը, երիտթուրքերի կողմից հայ ազգաբնակչության ոչնչացման մասին լուրերը ներթափանցեցին նաև Գերմանիա: Մի քում գերմանական առաջադեմ գործիչներ հանդես եկան կոչով, որով դիմում էին կայզերական կառավարությանը, վերջինիս առաջարկելով ներգործել երիտթուրքական ղեկավարների վրա՝ հայերի պաշանային ոչնչացումը դադարեցնելու նպատակով: Հիշյալ կոչը բռնազրավվեց գերմանական իշխանությունների կողմից³³:

1915 թ. հունվարի 11-ին թուրքական զազանությունների մասին հարցումով ռայխստագում հանդես եկավ Կարլ Հիրկենխտը: Նա հասկացնել տվեց, որ դրանց պատասխանատվությունը ընկնում է նաև կայզերի կառավարության վրա. բանի որ ամբողջ աշխարհին հայտնի է, որ գերմանական սպաներն ու զենեակները տեղ ու տնօրինություն են անում Թուրքիայում³⁴: Սակայն Գերմանիայի սոցիալ-դեմոկրատական կուսակցության ձախ թևի առաջնորդի բողոքը չէր կարող փոխել կուսակցության աջ և ցենտրիստական ղեկավարության ընդհանուր դիրքը, որն ինչպես այս հարցում, այնպես էլ պատերազմի վերաբերյալ բոլոր հարցերում պաշտպանում էր իր երկրի իմպերիալիստներին:

Արևմտահայերի զազանային ոչնչացման լուրը կայծակնային արագությամբ տարածվեց ամբողջ աշխարհով մեկ՝ ամենուրեք առաջ բերելով բուռն զայրույթ և կտրուկ բողոքներ: Նույնիսկ հայ ժողովրդի զահիճներից մեկը՝ Նեմալ-փաշան հետազայում ստիպված էր խոստովանել, որ «հայ զաղթականների նկատմամբ 1915 թ. կատարված հանցագործությունը միանգամայն արդարացի կերպով զարհուրանք առաջ բերեց ամբողջ աշխարհում»³⁵:

Գերմանիայի պաշտոնական շրջանները այլևս անկարող էին թաքցնել կամ հերքել հայերի դեմ թուրքաֆան իշխանությունների գործադրած բռնությունները: Ուստի նրանք փոխեցին իրենց գործելակերպը և փորձեցին նվազեցնել այդ շարագործությունների չափերը: Գերմանական մամուլը, հակառակ իրականության, պնդում էր, որ օսմանյան կայսրության արևելյան վիճայեթներում «սպանվել են միայն խոռվարարներ»³⁶:

Շատ երկրներում Գերմանիային հրապարակայնորեն մեղադրում էին երիտթուրքական զազանությունները խրախուսելու և դրանց իրականացման

³¹ Lepsius J., Bericht über die Lage des armenischen Volkes in der Türkei, Potsdam, 1916.

³² Lepsius, էջ V.

³³ „Армянский вестник“, М., 1916, էջ 51.

³⁴ „Verhandlungen des Reichstags“, XII Legislaturperiode. Bd. 306, Berlin, 1916, էջ 512-513, Spätkausbriefe. Berlin, 1958, էջ 97.

³⁵ Джемальпаша, էջ 236.

³⁶ Гиббонс Герберт-Адамс, էջ 131.

անմիջականորեն մասնակցություն ունենալու մեջ՝ Հիմնվելով ականատեսների ցուցմունքների վրա, Գիբոնսը գրում էր, որ Վանում, օրինակ, գերմանական սպան անձամբ ղեկավարում էր հայկական խաղաղ բնակավայրերի, գյուղերի վրա տեղացող թուրքական հրետանու կրակը, իսկ գերմանական հյուպատոսները Թուրքիայում ամեն կերպ պաշտպանում էին հայերի գեմ ուղղված ճնշումները³⁷։

«Temps» թերթը 1917 թ. դեկտեմբերի 17-ին հաղորդում էր, որ գերմանացիները ոչ միայն հրահրում էին թուրքերին հայերի գեմ, այլև անմիջական մասնակցություն ունեցան այդ շարագործություններին։ Զեյթունում գերմանական հյուպատոսը հայերին համոզեց զենքը հանձնել, որից հետո ժանդարմները սրի քաշեցին անզեն հայերին։ Նույնանման փաստեր է բերում նաև Բրայսը։ Հալեպում հայերի ոչնչացումը իրականացվում էր գերմանական հյուպատոսի ներկայությամբ։ Գերմանացիները նպաստեցին հայերի ջարդին նաև Դորթ-Յուլում³⁸։ Գերմանական զեսպան Վանզենհայմը մեծ վեճիր Սաիգ Հալիմին հասցեագրված 1915 թ. հուլիսի 4-ի հուշագրում իր հավանությունն էր հայտնում Արևելյան Անատոլիայից հայերին արտաքսելու միջոցառումներին⁴⁰։

Գերմանիայի բուրժուական մամուլը գործածության մեջ առավ Թուրքիայում իբր նախապատրաստվող հայկական ապստամբության վերաբերյալ օսմանյան կառավարության կողմից տարածվող միանգամայն ստահող վարկածը։ Գերմանիայի կառավարող շրջանների գլխավոր օրգաններից մեկը՝ «Deutsche Tageszeitung» թերթը հրապարակեց հետադիմական հրապարակախոս Ռեվենտլովի հողվածը, որտեղ ասվում էր, որ հայերի զանգվածային տեղահանումը «անհրաժեշտ քայլ է ու Թուրքիայի սեփական գործը»⁴¹։

Համաշխարհային պատերազմում Գերմանիայի կրած պարտությունից հետո բուրժուական գործիչներն ամեն կերպ ջանում էին հաստատել օսմանյան կայսրության հայ ազգաբնակչության զանգվածային բնաջնջման գործում Գերմանիայի անմեղսակից լինելը։ Այսպես, օրինակ, էրցերեզերն իր հուշերում պնդում է, որ իբր Գերմանիան ամեն ինչ արեց 1915—1916 թթ. հայկական ջարդերը կանխելու համար, սակայն թուրքական կառավարությունը չունենդրեց նրա խորհուրդներին։ Կեղծելով փաստերը, էրցերեզերը գրում է. «Գերմանական կայսրությունը պատասխանատվություն չի կրում Հայաստանի տխուր իրադարձությունների համար»⁴²։

Ինչպես վերաբերվեցին հայերի հանդեպ թուրքական կառավարողների ձեռնարկած վայրագություններին Անտանտի պետությունները։ Նրբ ամբողջ աշխարհով մեկ տարածվեց Օսմանյան կայսրությունում կազմակերպված հայերի հրեշավոր ջարդի լուրը, Անգլիայի, Ֆրանսիայի ու Ռուսաստանի կառավարությունները, որոնց բանակներում կռվում էին 200 հազարից ավելի հայեր, 1915 թ. մայիսի 11-ին հրապարակայնորեն հայտարարեցին Բարձր Դռանը, որ բոլոր այդ հանցագործությունների պատասխանատվությունը իրենք վերա-

37 Անտանտի երկրներում այն ժամանակ բարձրացված պրոպագանդիստական կամպանիան լաջողություն ունեցավ և Գերմանիային բարոյա-քուղաքական զգալի վնաս հասցրեց։

38 Гиббонс Герберт-Адамс, էջ 27։

39 Bryce, էջ 26։

40 Lepsius, էջ XXVIII։

41 Վրացական ՍՍԽ կենտրոնական պետական պատմական արխիվ, ֆ. 2, ց. 1, գ. 3198, թ. 55։

42 էրցերեզեր, էջ 84։

գրում են թուրքական կաբինետի բոլոր անդամներին, ինչպես նաև տեղական իշխանությունների այն ներկայացուցիչներին, որոնք մեղավոր էին հայերի զանգվածային ջարդերում⁴³։

Անտանտի թղթե բողոքները, իհարկե, ի վիճակի չէին կանգնեցնելու երիտթուրքական դահիճներին կամ որևէ չափով սահմանափակելու նրանց հանցավոր գործունեությունը։ Անհետևանք մնացին նաև Ստամբուլում ԱՄՆ-ի այն ժամանակվա դեսպան Մորգենթաուի՝ հայերին պաշտպանելու նպատակով միջամտության փորձերը։ Ը պատասխան նրա բողոքների, Թալեաթ փաշան անվրդով հայտարարել էր. «Մեզ մեղադրում են այն բանում, որ մենք տարբերություն չենք դնում անմեղ ու մեղավոր հայերի միջև. դա բացարձակապես անհնարին էր, որովհետև այսօրվա անմեղները կարող են վաղը մեղավոր դառնալ»։

Ամբողջ աշխարհի առաջադեմ հասարակայնությունը առաջին համաշխարհային պատերազմի տարիներին անարգանքի սյունին էր դառնում երիտթուրքական մարդասպաններին և իրենց կառավարություններից պահանջում վճռական քայլերի դիմել՝ արևմտահայերին պաշտպանելու համար։

«Քաղաքակիրթ աշխարհը,— գրում էր հայտնի անգլիական բուրժուական պատմաբան Թոյնբին,— չի կարող թույլատրել, որպեսզի այդ հանցագործությունները շարունակվեն»⁴⁴։

Ռուսաստանի, եվրոպական ու ամերիկյան երկրների պարբերական մամուլում հաճախ հոդվածներ ու հաղորդումներ էին զետեղվում արևմտահայերի վիճակի մասին։ Դրանցում լայնորեն լուսաբանվում էին թուրքական իշխանությունների շարագործությունները։ Բողոքի բազմամարդ ցույցերում ելույթ էին ունենում ականավոր հասարակական ու պետական գործիչներ, որոնք զայրույթով դատապարտում էին Թուրքիայի կառավարողներին ու նրանց գերմանական գործակիցներին։

Պետք է նշել, որ Անտանտի երկրների կառավարությունները հասարակայնության արտահայտած զայրույթն ու նրա բազմաթիվ բողոքներն օգտագործեցին որպես պրոպագանդայի միջոց՝ ընդդեմ Թուրքիայի ու Գերմանիայի։ «Հայ արյան գետերը, մինչև աստղերը բարձրացած հայ տառապանքների հեծեծանքները,— ընդգծել է խոշոր պատմաբան Լեոն,— շահագործում էին՝ Գերմանիայի դեմ կռվելու համար։ Քանի դեռ կանգուն էր ուժեղ ու հաղթական Գերմանիան, հայկական սարսափները նրա հակառակորդներին հարկավոր էին՝ նրան վարկաբեկելու, նրան բարոյապես ստորացնելու, նրան բարբարոսության կողմնակից և հովանավոր ցույց տալու, իսկ իրենց՝ նահատակ ազգերի պաշտպան և ազատարար հայտարարելու համար։ Բայց հենց որ Գերմանիան ջարդվեց և այլևս ոչ ոքի երկյուղ ներշնչել չէր կարող՝ իսկույն մոռացվեց հայն էլ, իր տառապանքն ու արյունն էլ»⁴⁵։

Հայ ժողովուրդն իր երկարամյա դառը փորձով համոզվեց, որ եվրոպական տերություններից որևէ իրական օգնություն ստանալու նրա հույսերն իզուր

⁴³ „Международные отношения в эпоху империализма. Документы из архивов царского и временного правительства 1878—1917 гг.“, серия III, 1914—1917 гг. т. 8, ч. 2, էջ 400, փ. № 724։

⁴⁴ Toynbee Arnold. Nationality and the War. London, 1915. էջ 387։

⁴⁵ Լ. Լ. ո., Անցյալից, Թիֆլիս, 1925, էջ 347։

ին, ուստի և թուրքական իշխանություններից կրած զաժան հայաժանքների օրերին նա ամենից առաջ հույսը դնում էր ինքն իր վրա: Երբ թուրքական կառավարությունը փորձում էր զինաթափ անել խաղաղ հայ բնակչությանը, միշտ տեղերում՝ Վանում, Շատախում, Մուշում, Զեյթունում, Շապին-Գարահիսարում և այլուր հայերը հերոսական դիմադրություն ցույց տվեցին ոստիկաններին ու թուրքական կանոնավոր զորքերին: «Չնայած թուրքական կառավարության կեղծ հաղորդումներին, — դրում էր Մանդելշտամը, — ոչ մի հայկական հեղափոխություն կամ ապստամբություն չի եղել: Հայերը զենք վերցրելին միայն այն ժամանակ, երբ նրանց սպառնում էր ջարդը»⁴⁶: Հետադաշտում այդ բանը ստիպված էր խոստովանել Մեվլան-պադե Ռիֆաթը, մատնանշելով, որ ամենուրեք կազմակերպվող հայկական ջարդերը հայերին ստիպեցին առանձին տեղերում դիմել ապստամբության՝ ինքնապաշտպանության նպատակով:

Նյարտփակինք. արևմտահայերի բնաջնջման պլանը իթթիհատականների կողմից մշակված է եղել նախքան առաջին համաշխարհային պատերազմը և անմիջականորեն կապված էր նրանց պանթուրքական նվաճողական ձգտումների հետ: Իթթիհատական ջարդարարների վայրագ ծրագրի իրագործման արդյունքն այն եղավ, որ Արևմտյան Հայաստանն ու Կիլիկիան դատարկվեցին հայությունից: Նահատակվածների թիվը անցավ մեկ միլիոնից: Թուրք բարոսների հայաջինջ քաղաքականությունը իրագործվեց կայսերական Գերմանիայի հովանավորությամբ: Անտանտի պետությունները, բացի թուրքական կառավարությանը ուղղված բողոքի նոտայից, ոչ մի վճռական քայլի չդիմեցին ջարդերը կանխելու համար:

МЛАДОТУРЕЦКАЯ ПОЛИТИКА ИСТРЕБЛЕНИЯ АРМЯН В 1915—1916 ГОДАХ

Доктор историч. наук Е. К. САРКИСЯН

(Р е з ю м е)

Для осуществления своих пантюркистских и панисламистских агрессивных планов правящие младотурецкие круги вовлекли Турцию в первую мировую войну. Первоочередным объектом их экспансионистской политики было Закавказье, поскольку оно рассматривалось ими как плацдарм для захвата Северного Кавказа, Поволжья и Средней Азии.

По мнению турецких агрессоров, главной помехой на этом захватническом пути являлся армянский народ. «Вклинившиеся» в мусульманский мир армяне, как неоднократно заявляли деятели младотурков, мешали «объединению» с Турцией мусульманского населения Кавказа и других районов России. По расчетам младотурков, истребление армян в Западной Армении и Киликии не только обеспечило бы захват Закав-

⁴⁶ Mandelstam, էջ 242.

⁴⁷ Մեվլան-պադե Ռիֆաթ, էջ 147:

казья, но и устранило бы предлог для вмешательства держав Антанты во внутренние дела Турции.

Воспользовавшись военной обстановкой, правящие круги Османской империи, под предлогом депортации армян из прифронтовой полосы, весной 1915 г. приступили к осуществлению давнишнего плана физического истребления западных армян. В результате осуществления турецкими палачами этого варварского плана геноцида армян Западная Армения и Киликия полностью лишились армянского населения. Жертвой турецких зверств стало более миллиона армян.

За это кровавое преступление младотурецких главарей морально-политическую ответственность несут также их союзники в войне — германские империалисты.

Страны Антанты, в армиях которых сражались свыше 200 тысяч армян, не предприняли никаких решительных шагов, чтобы пресечь геноцид армян. Такое отношение правительств стран Антанты к трагедии армянского народа лишней раз доказало, что они никогда не были защитниками интересов армянского народа, хотя каждый раз, когда нужно было оказать давление на турецкое правительство для осуществления своих планов в отношении Османской империи, они выступали в роли «покровителей» армян.